

永和縣志卷十三

金石考

古蹟往往名存而實亡金石則器物具在可摩挲可拓觀者也永和雖屬彈丸固非名勝之地金石無大顯著然邃谷深巖不無瑰奇特達之品韜蘊其間安得不可一一羅而致之永志舊無此項今仿照別志添列卷內聊備鄉邦之文獻略補史乘之缺遺庶不至仍復散失也作金石志

宋

石洞 在龍巖寺廟底內塑像三樽班駁不堪人傳宋太祖避亂於此後勅建龍巖寺有碑記雨摧蘚蝕字跡殘缺無考

永和縣志

卷十三

金石考

一

洪鐘 在龍巖寺上之饅頭山高八尺餘圍一丈五尺肉六寸人傳先世時偶然墜於此地村人集數十莫之能動衆歸村適有一牧羊者以指立懸之遂坐化山後不里許之石洞中村人知其異刻石塑像焚獻至今廟存鐘懸

劉金定像 在雙山石門頂上建立廟一座內塑女像耳墜兩環人傳卽宋劉金定之遺像

上馬臺 在雙山石門前堦之路傍係石質橢圓形上刻女足跡三四個人傳爲宋劉金定之上馬臺

飲馬池 在雙山石門後堦之石巖下係圓形周圍天然石質寬一尺餘水涓涓自底滾出人傳爲宋劉金定之飲馬池

丈八石佛 在縣西望海寺身長一丈八尺無臂無手上半身在外下半身在地內故曰丈八佛寺俗傳此石佛由黃河水漲沖來大呼人救鄉人聞聲入水掀之岸上見其形異卽扛肩上意欲進貢行至山巔覺倦稍歇片時竟按之不動舉之無力無何而石佛腰斷兩截令人驚駭遂就此立廟祀焉至破裂佛腰之處乃遺名曰打石堖現今居人不少石佛 在縣西石埧溝俗傳此佛先在窟頂斜歪懸之後不知何年忽墜於地仍斜歪立一石臺每遇天旱人民卽至此祈禱雨澤頗靈驗焉

大鐵鐘 一在縣南鐘樓山一在縣北呼家莊高九尺餘圍

永和縣志

卷十二

金石考

二

一丈二尺多厚五寸兩鐘形式大小相同內可容四人玩藝四人參觀俗傳先世二郎神擔之於此忽墜落焉

元

銅像 在縣南街興化寺掘出高三尺無款識審是元代古物因寺毀壞民國十年縣知事張第才移度公署內

石像 在縣南街興化寺掘出高三尺無款識審是元代古物因寺拆毀民國十年縣知事張第才移度公署內

金像 在縣東北東峪溝廟內此佛渾身包金不免有缺喜笑氣象手持一袋趺跏半座俗傳爲元時遺像現仍奉祀

明

銅鐘 萬曆年間製造在城南街興化寺撞時聲音洪亮滿城震動重五百餘斤因寺折毀民國九年移度高小校內重修參羅殿碑 一嘉靖三十四年十一月劉體元撰一萬曆三十二年九月張顯智撰均在閣山廟

醮盆 在文廟內

大將軍 在縣西永和關

大礮 在縣西南于家嘴

清

鐵礮 同治年間置造在城東街舊城守營內現將營改爲模範國民學校內三在桑壁鎮三官廟現改國民學校內二

永和縣志

卷十二

金石考

三

每重二百餘斤

牛腿礮 同治年間置造在鐵羅關四在于家嘴二

大石 在縣北響水灣河邊形頗奇異重約數十萬斤俗傳同治年間突然河水冲來人呼之曰老石頭